

**Broj: A-III-31/25-IV**  
**Sarajevo, 18.06.2025. godine**

Na osnovu člana 30. Zakona o Kantonalnom tužilaštvu Kantona Sarajevo (Službene novine Kantona Sarajevo, broj: 20/02, 22/02 i 30/08), člana 64. stav 1) tačka b), člana 25., 70. i 98. Zakona o javnim nabavkama („Službeni glasnik BiH”, broj 39/14, 59/22 i 50/24) – u daljem tekstu: ZJN, člana 9. i 37. Pravilnika o javnim nabavkama roba, usluga i radova u Kantonalnom tužilaštvu Kantona Sarajevo, broj: A-419/24 od 24.05.2024. godine, te preporuke Komisije za provođenje postupka javne nabavke roba: „**Nabavka skenera za potrebe Kantonalnog tužilaštva Kantona Sarajevo**“, date u Zapisniku broj: A-III-31/25–III od 13.06.2025. godine, Glavna kantonalna tužiteljica donosi:

## **O D L U K U**

**o izboru najpovoljnijeg ponuđača i dodjeli ugovora za nabavku skenera  
za potrebe Kantonalnog tužilaštva Kantona Sarajevo**

### **I**

Prihvata se preporuka Komisije za javne nabavke i Ugovor o nabavci roba – skenera za potrebe Kantonalnog tužilaštva Kantona Sarajevo dodjeljuje se najpovoljnijem ponuđaču **“R&S” d.o.o. Sarajevo, Igmanska b.b., 71320 Vogošća**, a prema ponudi broj: 19010/25 od 09.06.2025. godine, s ukupnom cijenom **13.100,00 KM bez PDV-a, odnosno 15.327,00 KM sa PDV-om**, kao jedina prihvatljiva i pravilna ponuda.

### **II**


Ugovor o javnoj nabavci dostavit će se na potpis izabranom ponuđaču **“R&S” d.o.o. Sarajevo** po proteku 15 dana od dana kada su svi ponuđači obaviješteni o izboru najpovoljnijeg ponuđača, u skladu sa članom 98. stav (1) ZJN.

### **III**

Ova Odluka će se objaviti na internet stranici Kantonalnog tužilaštva Kantona Sarajevo, istovremeno s upućivanjem svim ponuđačima koji su učestvovali u postupku javne nabavke, u skladu sa članom 70. stav (6) ZJN.

### **IV**

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke u skladu sa članom 71. stav (2) ZJN.



## O b r a z l o ž e n j e

Na osnovu Odluke o pokretanju postupka javne nabavke broj: A-III-31/25 od 22.04.2025. godine pokrenut je postupak javne nabavke roba: „**Nabavka skenera za potrebe Kantonalnog tužilaštva Kantona Sarajevo**“, procijenjene vrijednosti 13.200,00 KM bez PDV-a, putem otvorenog postupka javne nabavke roba.

Obavještenje o nabavci broj: 274-1-1-53-3-11/25 od 19.05.2025. godine objavljeno je na Portalu javnih nabavki, zajedno sa cjelokupnim tekstom Tenderske dokumentacije, a sažetak obavještenja o nabavci objavljen je u Službenom glasniku BiH.

Kriterij za dodjelu Ugovora, shodno odredbama člana 64. ZJN, je „najniža cijena tehnički zadovoljavajuće ponude“.

Komisija za provođenje tenderskih procedura Kantonalnog tužilaštva Kantona Sarajevo, formirana Rješenjem broj: A-135/24 (u daljem tekstu: Komisija) je dana 11.06.2025. godine u 10:15 sati, u prostorijama Ugovornog organa izvršila javno otvaranje ponuda i sačinila Zapisnik sa otvaranja ponuda, u kojem je konstatovala da su u predmetnom postupku blagovremeno zaprimljene 2 (dvije) ponude. Javnom otvaranju ponuda nije bilo prisutnih predstavnika ponuđača. Zapisnik sa otvaranja ponuda dostavljen je svim ponuđačima koji su učestvovali u postupku javne nabavke u zakonskom roku, u skladu sa članom 63. stav 6. Zakona o javnim nabavkama.

Zahtjev za izmjenu tehničke specifikacije tenderske dokumentacije u predmetnom postupku javne nabavke dana 20.05.2025. godine je uputio ponuđač „DIGITARIJA“ d.o.o. Sarajevo, koji traži izmjenu tehničke specifikacije gdje navodi slijedeće :  
„Uvidom u tendersku dokumentaciju objavljenu za postupak javne nabavke pod brojem A-III-31/25, kojom se planira nabavka skenera, uočili smo da su pojedini tehnički zahtjevi postavljeni na način koji ograničava tržišnu konkurenciju i favorizira određene proizvođače i konkretne modele.

### 1. STAVKA 1 – Stolni A4 skener (1 komad)

Specifikacija traži: • Brzinu skeniranja od min. 100 ppm / 200 ipm, • ADF kapacitet od min. 300 listova, • Dnevni radni ciklus od min. 40.000 stranica, • USB 3.1 interfejs, • te dodatne karakteristike koje uključuju detekciju boje, višestruko ulaganje (ultrazvuk), itd.


Na osnovu tržišne analize, ove zahtjeve u potpunosti ispunjavaju praktično samo dva modela na tržištu, i to: • Fujitsu fi-7800, • Canon imageFORMULA DR-G2140.

Ovakvi zahtjevi, iako tehnički legitimni, ograničavaju mogućnost konkurencije, jer isključuju sve druge relevantne proizvođače koji nude visoko kvalitetne uređaje s tek neznatnim razlikama (npr. Fujitsu fi-7700 sa dnevnim ciklusom 30.000 stranica).

### 2. STAVKA 2 – Kompaktni A4 skener (2 komada)

Specifikacija zahtijeva: • Brzinu skeniranja od min. 40 ppm / 80 ipm, • ADF kapacitet od min. 80 listova, • Dnevni radni ciklus od min. 8.500 stranica, • High Speed USB 2.0, • i niz funkcionalnosti poput automatskog prepoznavanja boje, veličine, OCR itd.

Ove kriterije u potpunosti ispunjava isključivo model Brother ADS-4900W, dok većina drugih renomiranih proizvođača kao što su HP, Epson, Fujitsu, Kodak Alaris i Avision ne



Bosna i Hercegovina  
Federacija Bosne i Hercegovine  
**Kantonalno tužilaštvo**  
**Kantona Sarajevo**

moгу konkurisati zbog jedne ili dvije stroge tehničke tačke (npr. ADF od 50 umjesto 80 listova ili dnevni ciklus od 5.000 umjesto 8.500 stranica).

Zaključak i prijedlog izmjene:

S obzirom na navedeno, smatramo da su tehničke specifikacije previše restriktivne i postavljene na način koji narušava načelo jednakog tretmana i stvarne konkurencije iz člana 3. Zakona o javnim nabavkama BiH.

Predlažemo da ugovorni organ:

1. Ublaži zahtjeve u dijelu dnevnog radnog ciklusa (npr. sa 40.000 na 30.000 stranica za Stavku 1 i sa 8.500 na 5.000 stranica za Stavku 2),
2. Omogući širi raspon prihvatljivog ADF kapaciteta (npr. min. 50 ili 60 listova),
3. Dopusti i USB 3.0 i 3.2, s obzirom da su funkcionalno ekvivalentni sa USB 3.1 za potrebe skeniranja,
4. Naglasi funkcionalne karakteristike umjesto fiksnih brojeva, čime bi se omogućilo učešće većeg broja ponuđača bez ugrožavanja kvaliteta opreme.

Time bi se omogućila veća konkurencija, postigla povoljnija cijena i osigurala ravnopravnost učesnika.“

U zakonskom roku, ugovorni organ je dana 22.05.2025. godine odgovorio na zahtjev ponuđača “DIGITARIJA” d.o.o. Sarajevo, te naveo:


Da je ugovorni organ istražio tržište različitih proizvođača i utvrdio da postoje proizvođači (Canon, Fujitsu, Epson i dr) a koji zadovoljavaju minimalne tehničke karakteristike koje su navedene u specifikaciji pored uređaja koji ste naveli kao primjer, odnosi se za Stavku 1) i Stavku 2). Iz tog razloga Ugovorni organ smatra da nije potrebno vršiti izmjenu tehničke specifikacije i da postoji više modela skenera koji zadovoljavaju minimalne tehničke karakteristike navedene u tehničkoj specifikaciji.

Nakon otvaranja ponuda, Komisija je izvršila pregled i ocjenu prispjelih ponuda, te sačinila Zapisnik o pregledu i ocjeni ponuda broj: A-III-31/25-III od 13.06.2025. godine, koji je sastavni dio ove Odluke, i u kome je konstatovala sljedeće:

U ostavljenom roku blagovremeno su pristigle dvije (2) ponude i to ponuda ponuđača: , **R&S d.o.o. Sarajevo i “FIXIT” d.o.o. Sarajevo.**

Komisija je konstatovala da su dostavljene ponude ponuđača: , **R&S d.o.o. Sarajevo i “FIXIT” d.o.o. Sarajevo d.o.o. Sarajevo prihvatljive** prema obliku, sadržaju, potpunosti, sposobnosti obavljanja registrovane djelatnosti i tehničke i profesionalne sposobnosti, te da ponudena vrijednost ponude odgovara planiranim, odnosno osiguranim sredstvima.

Komisija je takođe izvršila provjeru računске ispravnosti prihvatljive ponude po tački 10.5. tenderske dokumentacije i ustanovila da ista nema računskih grešaka.



U skladu sa tačkom 8.4.2. b) tenderske dokumentacije Komisija je izvršila uvid u ponudw u pogledu zadovoljavanja **tehničkih uslova za predmete nabavke**, zahtijevanih u tehničkoj specifikaciji, datoj u Obrascu za cijenu ponude – robe – Aneks 3. tenderske dokumentacije Otvorenog postupka.

Komisija je konstatovala da je ponuda ponuđača: **“FIXIT” d.o.o. Sarajevo** primljena u roku za dostavu ponuda, da ne postoje dokazi o tajnom sporazumu ili korupciji, da je ponuda rezultat tržišne konkurencije i cijena ponude nije izuzetno niska (neprirodno niska), ali je ista **nepravilna tj. ponuđena roba- skeneri nisu u skladu sa tenderskom dokumentacijom, odnosno tehničkom specifikacijom iz sljedećih razloga:**

Uvidom u ponudu ponuđača **“FIXIT” d.o.o. Sarajevo**, Komisija je utvrdila da je isti ponudio opremu za:

- Stavku 1. „**stolni skener s ulagačem listova A4** „ (1 komad) proizvođača RICOH model „**fi-7700**“ i
- Stavku 2. „**stolni skener sa ulagačem listova A4**“(2 komada) proizvođača RICOH model „**fi-800R**“ ,

te za iste priložio tehničke listove (katalog/brošuru) sa tehničkim opisom opreme proizvođača RICOH zahtijevan u tački 8.4.2. tenderske dokumentacije.

- Detaljnim pregledom ponude i priloženog tehničkog opisa opreme u skladu sa tačkom 8.4.2. b) tenderske dokumentacije, Komisija je utvrdila da ponuda ponuđača **„FIXIT“ d.o.o. Sarajevo** ne ispunjava minimalne tehničke uslove za stavku 1. „**stolni skener s ulagačem listova A4** „(1 komad) u skladu sa tehničkom specifikacijom datoj u Aneksu 3. obrazac za cijenu robe TD.

U tehničkoj specifikaciji TD za stavku 1. zahtijevano je u dijelu „**Težina/masa: maksimalno 15 kg** „ .


Uvidom u priloženi tehnički opis ponuđene opreme na strani 31. ponude utvrđeno je da je ponuđeni model skenera fi-7700 težine 35 kg, što je znatno više od maksimalniog zahtjeva koji je propisan u tehničkoj specifikaciji TD.

- Takođe, Komisija je utvrdila da ponuda ponuđača **„FIXIT“ d.o.o. Sarajevo** ne ispunjava minimalne tehničke uslove niti za stavku 2. „**stolni skener s ulagačem listova A4** „ (2 komada) u skladu sa tehničkom specifikacijom datoj u Aneksu 3. obrazac za cijenu robe TD.

U tehničkoj specifikaciji TD za stavku 2. zahtijevano je u dijelu “Dnevni radni ciklus: minimalno 8.500 stranica/ skeniranih dokumenata;” i “ADF (kapacitet ulagača): minimalno 80 listova A4 80 g/m<sup>2</sup>”;

Uvidom u priloženi tehnički opis ponuđene opreme-skenera na strani 35. ponude utvrđeno je da ponuđeni model skenera „fi-800R“ ima Dnevni radni ciklus: očekivani 4.500 stranica/ skeniranih dokumenata i ADF (kapacitet ulagača): 20 listova A4 80 g/m<sup>2</sup> što je ispod minimalnih zahtjeva koji su propisani u tehničkoj specifikaciji TD.

- Nadalje u tehničkom listu ponuđenog modela skenera **„fi-800R“** nije navedeno da isti ima opciju „**automatsko podešavanje rezolucije**“, što je zahtijevano u tehničkoj specifikaciji TD za stavku 2. u dijelu **„Dodatne funkcionalnosti“**.



Bosna i Hercegovina  
Federacija Bosne i Hercegovine  
Kantonalno tužilaštvo  
Kantona Sarajevo

**Shodno navedenom, Komisija je odbacila ponudu ponuđača "FIXIT" d.o.o. Sarajevo kao tehnički nepravilnu i istu dalje nije razmatrala.**

Komisija konstatuje da je ponuda ponuđača **R&S d.o.o. Sarajevo pravilna** i da je ponudena roba – skeneri u skladu sa tenderskom dokumentacijom, odnosno tehničkom specifikacijom, da je primljena u roku za dostavu ponuda, da ne postoje dokazi o tajnom sporazumu ili korupciji, te da je ponuda rezultat tržišne konkurencije i cijena ponude nisu izuzetno niske (neprirodno niske).

Polazeći od gore navedenih konstatacija i činjenice da je samo jedna (1) blagovremeno pristigla ponuda prihvatljiva za ugovorni organ, s obzirom da ispunjava uslove iz tenderske dokumentacije Otvorenog postupka, shodno odredbama tačke 10.6.3. tenderske dokumentacije, e-aukcija se ne može zakazati i Komisija je pristupila vrednovanju jedine prihvatljive ponude, shodno utvrđenom kriteriju „**najniža cijena**“ tehnički zadovoljavajuće ponude, te je tabelarni pregled na osnovu navedenog kriterija – rang lista prihvatljivih ponuda za nabavku roba: „**Nabavka skenera za potrebe Kantonalnog tužilaštva Kantona Sarajevo**“ JRJN: 38520000-6 Skeneri, prema tehničkoj specifikaciji sljedeći:

| R.B. | Naziv ponuđača   | Vrijednost ponude bez PDV-a |
|------|--|-----------------------------|
| 1.   | “R&S” d.o.o. Sarajevo; broj ponude: 19010/25 od 09.06.2025. godine | 13.100,00 KM                |

Kao prvorangirana najpovoljnija ponuda, prema kriteriju najniža cijena, je ponuda izabranog ponuđača **“R&S” d.o.o. Sarajevo, Igmanska b.b., 71320 Vogošća**, s ponudenom cijenom **13.100,00 KM bez PDV-a, odnosno 15.327,00 KM sa PDV-om.**

Cijeneći naprijed navedeno, primjenom člana 64. stav 1. tačka b) najniža cijena ZJN, odlučeno je kao u dispozitivu.

#### POUKA O PRAVNOM LIJEKU:

Protiv ove Odluke dopuštena je žalba u pisanoj formi, koja se podnosi Ugovornom organu u roku od 10 (deset) dana od dana prijema Odluke, a u skladu sa članom. 99. i 101. stav (1) tačka d) ZJN.



#### Dostavljeno:

- Ponuđači R&S d.o.o. Sarajevo i FIXIT d.o.o. Sarajevo putem e-maila,
- Komisija,
- U spis.